

蛾術編卷七十三

嘉定王西莊先生原本

吳江

迺鶴壽參校

沈楸惠校刊

說制十一

洪範曰肅時雨若等

洪範休徵曰肅時雨若等咎徵曰狂恒雨若等蔡傳云
休咎類應自然之理必曰某事得某休徵應某事失某
咎徵應則亦膠固不通而不足以語造化之妙如沈說
禹箕先膠固不通矣朱子云庶徵若不細心體識如何
見得漢儒說有某事必有某應古人意精密只于五事

上體察是有此理王荊公都不說感應只以若字作譬喻說則人君亦不必警戒矣朱子之言如此沈何不遵

師法也

鶴壽案在天爲五行在人爲五事五事有得失而五行應之休徵咎徵自古人君所奉以爲儆

戒者也漢五行志引伏生書傳曰貌之不恭是謂不肅厥咎狂厥罰恒雨厥極惡時則有服妖時則有龜孽時則有雞旤時則有下體生上之病時則有青青祥唯金沴木庶徵之恒雨劉歆以爲春秋隱公九年三月癸酉大雨震電庚辰大雨雪是也傳曰言之不從是謂不艾厥咎僭厥罰恒陽厥極憂時則有詩妖時則有介蟲之孽時則有犬旤時則有口舌之病時則有白青白祥惟木沴金庶徵之恒陽劉向以爲春秋僖公二十一年夏大旱是也傳曰視之不明是謂不哲厥咎舒厥罰恒與厥極疾時則有草妖時則有羸蟲之孽時則有羊旤時則有目病時則有赤青赤祥惟水沴火庶徵之恒與劉向以爲春秋桓公十五年春亾冰是也傳曰聽之不聰是謂不謀厥咎急厥罰

惟火沴水庶徵之恒寒劉向以爲春秋無其應故籍秦以爲驗秦始皇卽位尚幼委政太后太后淫于呂不韋嫪毐封毐爲長信侯以太原郡爲毐國宮室苑囿自恣政事斷焉故天冬雷以見陽不禁閉以涉危害舒與迫近之變也始皇旣冠毐懼誅作亂始皇誅之斬首數百級大臣二十人皆車裂以徇夷滅其宗遷四千餘家于房陵是歲四月寒民有凍死者數年之閒緩急如此寒與輒應劉歆以爲大雨雪及大雨雹隕霜殺菽草皆常寒之罰非也常雨屬貌不恭傳曰思心之不睿是謂不聖厥咎霧厥罰恒風厥極凶短折時則有脂夜之妖時則有華孽時則有牛骹時則有心腹之病時則有黃青黃祥時則有金木水火沴土庶徵之常風劉向以爲春秋無其應僖公十六年正月六鵲退飛過宋都左氏傳曰風也劉歆以爲風發于他所至宋而高鵲高飛而逢之則退常風之罰是也夫人事著于下則天事見于上有一節則有一節之徵驗豈獨晉申生一衣之褊鄭子臧一冠之鷖哉自王安石謂天變不足畏遂令爲人君者無所警惕其不至神州之陸沈也幾希

歲月日時等

庶徵旣言雨暘等休徵咎徵矣下卽繼以王省惟歲卿士惟月師尹惟日云云鄭馬孔以此節爲明皇極之得失卿士師尹其得失皆視王也而蔡傳以爲仍承上文雨暘燠寒風而言王之得失徵以歲卿士之得失徵以月師尹之得失徵以日蓋雨暘燠寒風之休咎有係一歲之利害有係一月之利害有係一日之利害各以其大小而言歲月日三者雨暘燠寒風不失其時則有其利休徵所感也失其時則有其害咎徵所致也此說憑臆妄造謬誕殊甚漢昌邑王爲天子不過二十七日恒陰之罰已非一日矣此豈徵以歲者乎但陰不在庶徵

中而五行傳又蔡所不信不足以折服其心也第就其說思之人于天相感應其職近者應之速其職遠者應之遲人主于天宜呼吸相通五事偶失卽宜謫見于天乃反以歲計卿士師尹職愈卑賤去天愈遠而感應神速反在一月一日之間殊覺顛倒如王者有咎必合一歲之雨暘等總計之直至一歲中有恒雨方可指爲王之貌不恭所致假令一月有咎竟可諉爲卿士之責王置不問乎假令卿士與王皆有咎將一歲之咎盡歸之王乎抑就中分一月屬之卿士乎師尹有咎而一日恒雨或一日恒暘遂足爲咎乎且王者一人得則休應失

則咎應猶可言也卿士師尹衆矣或得或失豈能時若恒若一時竝應將分地而應乎使同僚爲官有得有失則地又不可分矣蔡將何說以處此蔡意蓋必欲以庶徵一疇內無皇極之事故强造此說鄭馬孔以王省以下至則以風雨皆言皇極之徵以歲月作喻意解說最精也

日月之行則有冬有夏

日月之行則有冬有夏此以日月之行有常度喻政之行有常法而不妄徇民欲能建極者如此月之從星則以風雨此以月之從星而致風雨喻政之失其常而苟

以悅人不能建極者如此蔡傳云凡民寒欲衣飢欲食
鰥寡孤獨欲得其所此王政所先而卿士師尹近民者
之責也然星雖有好風好雨之異而日月之行則有冬
夏之常以月之常行而從星之異好以卿士師尹之常
職而從民之異欲則其從民者非所以徇民矣此說謬
不可言飢寒鰥寡孤獨王者視之方如痼瘵在身豈獨

從其所好所欲而已哉

鶴壽案有冬有夏雖兼月言之其實皆由于日之發斂也天有

南北極爲左旋之樞以定南北天有赤道爲左旋之中帶以界南北而黃極爲右旋之樞距北極二十餘度黃道爲右旋之中帶斜交于赤道半在赤道南半在赤道北最遠距赤道亦二十餘度與黃極距北極相應日循黃道右旋而成歲冬至最南夏至最北相距四十餘度自南斂北其下值中土所居漸近則寒退而暑進自北

發南其下值中土所居漸遠則暑退而寒進周髀曰日夏至南萬六千里日冬至南十三萬五千里日中無影以此觀之從南至夏至之日中十一萬九千里北至其夜半亦然凡經二十三萬八千里此夏至日道之徑也其周七十一萬四千里從夏至之日中至冬至之日中十一萬九千里北至其夜半亦然凡經四十二萬八千里此冬至日道之徑也其周百四十二萬八千里從春秋分之日中北至極下十七萬八千里從極下北至其夜半亦然凡徑三十五萬七千里周一百七萬一千里南至夏至之日中北至夏至之夜半亦然凡徑三十五萬七千里周一百七萬一千里蓋日之右旋發斂于四十餘度之閒于黃道適周本無纖微差數使發斂未終則無以成歲矣一歲之日躔起冬至復植其起處而列宿部星則稍移而前不與起處相植其閒甚微積而至于六十七年差一度非日躔黃道有此差由列宿部星亦循黃道右轉故耳

六沴

五行傳

文蓋王者遇

之交

<

祀社日用

